



KESATUAN KEBANGSAAN WARTAWAN SEMENANJUNG MALAYSIA  
NATIONAL UNION OF JOURNALISTS PENINSULAR MALAYSIA

馬 來 西 亞 半 島 新 聞 從 業 員 職 工 會

9 NOVEMBER, 2023

**KEPADA SEMUA PENGARANG BERITA**

**KENYATAAN MEDIA NUJ UNTUK EDARAN SEGERA**

Kuala Lumpur: Kesatuan Kebangsaan Wartawan Malaysia (NUJM) mengadakan pertemuan dengan Menteri Sumber Manusia, YB. V Sivakumar di Menara Dato' Onn, Pusat Dagangan Dunia Kuala Lumpur (WTC), di sini hari ini.

Dalam pertemuan yang berlangsung selama lebih satu jam itu turut disertai oleh wakil Kementerian Sumber Manusia bagi membincangkan cabaran yang terpaksa dihadapi industri media khususnya membabitkan jumlah ahli NUJM yang semakin berkurangan.

Malah pelbagai input baharu dikongsikan dalam merangka perancangan yang sesuai dan berkesan.

Menariknya mengenai pertemuan itu, Sivakumar menyambut baik cadangan NUJM untuk berkolaborasi dengan Kementerian Sumber Manusia bagi mengadakan majlis malam bersama media.

Difahamkan majlis seumpama itu sudah lebih 20 tahun tidak dilakukan NUJM dengan agensi kerajaan bagi mengeratkan ukhwah dan silaturahim.

Pada pertemuan itu, NUJM yang diketuai oleh presidennya, Farah Marshita Abdul Patah hadir bersama lapan exco NUJM yang diwakili pelbagai agensi berita.

Selepas perbincangan dan cadangan yang diusulkan bagi membantu dalam memantapkan kesatuan pada masa mendatang, Sivakumar turut meluangkan masa untuk makan tengahari bersama rakan-rakan media yang hadir.

Bagi Pihak Ahli Jawatankuasa NUJ,

**TEH ATHIRA MOHAMED YUSOF**

Setiausaha Agung

